

皇華集

廿三

内閣文庫	
番號	漢 17836
冊數	42 (23)
函號	137 2



皇華集序

萬曆元年正月我

殿下出

皇華集二帙俾有司入梓命臣為之序臣

謹受以卒業即翰林院編修敬堂

韓先生吏科左給事中錦江

陳先生奉

新皇帝登極詔若勅來宣我朝鮮實上年

隆慶壬申十一月一日也凡其來往所經江

山亭館風土民俗暨人物接遇有參於前

皇三集卷之
一
覺於中者率多以詩蒞之蓋所謂治世之
音安以樂者宜

殿下愛之重之欲壽其傳豈非所以欽

天子命也歟臣因仰而言曰東壤雖偏小號秉

禮義既太師敷教文獻益彰歷漢迄宋使

蓋相望如呂正惠公其最傑然者也欽惟

皇明一掃純夷薄海內外文軌畢同乃謂我邦

世處侯度允有大縟禮必簡遣內臣以寵

異之自倪馬以下諸老先生文章妙天下

炳炳乎琅琅乎在東人耳目者為已盛矣

今

兩先生輟論思補拾之班聯翩戾止符彩

交映有如威鳳翔于千仞覽輝而下人爭

先覩之為快而

殿下重承天下之

慶樂遇天下之

賢所以恪謹尊敬懼忻悅慕之者無所不

極其至惟恐棠不可憇而駒不得維也此

其

登車則有光矣望之若神仙中人躡蒼霞

而不留所留者

咳唾霏屑散而為琮璜玳瑁炳炳琅琅直
與諸老先生齊鳴並照而相先後使東人
耳目日新而不已又何其盛也夫音者生
人心人心之感由於政治故先王慎其所
以感之非

皇朝政治溫柔敦厚熏為太和安有見於詩者
若是其安且樂乎而人才之衆多抑可因
而驗之矣世謂詩也文之靡律也詩之變
意此特指其雕鏤纂組之巧者耳夫理性

情達風教非詩而何賴焉變而不失其正
乃所以為貴也竊惟

兩先生色諧而神清辭婉而操厲大事小
儀情文俱盡夙夜晨昏忠孝屢形至其為
詩亦皆純粹平澹無非出乎性情之正發
其風教之醇則殆將推一心之得明大雅
皇土之作以黼黻乎

皇猷笙鏞乎治道薦之

郊廟朝廷及於天下後世蓋可知已况乎文章
實根於經術其有觀文化成之學明道經

綸之業亦豈外是而求之此我
殿下所以愛重是編而必使之壽也於是

皇上覆幬之仁

殿下仰戴之誠

先生咨度之義一舉而同耀於無窮吁亦

休哉臣猥蒙

恩旨辱為館伴陪侍

杖履飲名齊實遂與聞乎

擬金振玉之緒餘何幸之大也資憲大夫

吏曹判書燕弘文館大提學藝文館大提
學知成均館事同知 書筵春秋館事五
衛都摠府都摠管臣盧守慎拜手稽首謹
序

皇華集上

皇華集上

奉使朝鮮出

京作

親奉

龍章拜

命行節旄東指海波平石渠初下舍香直金馬

仍叨給傳榮

漢詔九天新雨露箕封千古舊聲名歡迎若問

中朝事為報

神皇早

皇華集上

聖明

觀海亭待月二首

待月淹留海上亭，憑高一望思冥冥。城頭
返照紅將斂，天際清輝影漸殘。冰玉滿輪
開碧落，黃金萬斛浴滄溟。相逢此夕成奇
觀，肯惜餘歡盡醪醕。

孤亭高拱海流東，萬里滄溟入望中。極目
碧天無鴈影，排空白浪隱蛟宮。秋雲重護
關城險，夕照斜懸塞堞雄。把酒可能邀皓
月，乘槎還欲破長風。

欽差正使翰林院編修吳郡韓世能

通州公署偶成

此以下三十二首
回程到平壤錄示

朝辭

瑣闥理征鞍，萬里秋風映日丹。徼外河山通
百濟，海邊雲鳥度三韓。劔橫霜月青龍合，
袍帶風塵白澤寒。持節殊邦文德遠，

皇華聲望遍長安。

薊州道中

薊門秋草萬山青，迤邐乘風下渤溟。紫氣

從今蔽牛斗東人翹望使臣星

薊州公署偶成

行邊駐馬飲平川竟日徘徊下夕烟
捐珮不堪芳草暮沾衣吾得紫霞篇
漁陽戍鼓東何急易水悲歌昔所憐
更欲開樽待明月浮雲容易妬嬋娟

登盤山

終歲驅馳未得閑偶然此地一躋扳
路從鳥外穿雲入僧向池邊洗鉢還
乘興不忘雙倦屐尋幽又過幾重山
酒酣技痒詩頻

就都在蒼烟翠栢間

暫憇盤山寺堂

路入山蹊景最幽巖雲不動雨初收
四圍高嶂連空碧數曲寒泉遶檻流
班洞烟霞閒歲月郎山花木自春秋
登臨頓覺塵機息掃石題詩紀勝遊

玉田道中

東遼羽檄正紛紛無奈西風更送君
匹馬關山秋色暮胡笳吹斷萬峯雲

途中寄友人

片雲何處至，為爾獨依依。贈我青山賦，悲
愁烟水磯。西湖明月在，南浦幾時歸。蕭索
長途客，玄霜未授衣。

豐潤道中

使節向邊城，東行已數程。人烟連澗霧，鳥
哢雜笳聲。石逕緣崖險，溪流入樹清。居民
翹首望，

天使出

神京

宿七家嶺驛

日落停驂暮，孤亭近水涯。笳聲聞塞遠，鴈
陣入雲斜。草樹荒千里，風烟古七家。漏遲
燒燭短，客邸度年華。

謁夷齊廟

驅傳盧龍道，懷賢孤竹隈。遺墟瞻廟像，故
國莽榛萊。宇宙英聲在，陵山宿草哀。采薇
音響絕，三詠思難裁。

孤竹故城

孤竹千年地，夷齊萬代名。青山圍故國，藥
水遶荒城。啼鳥君臣恨，浮雲兄弟情。秋風

空殿閣日落自松聲

暫憇清風臺

首陽聊駐節頓覺世情違
繡嶺如簪盃清灤一帶圍
蕭蕭萬木落冉冉白雲飛
笑我紅塵客何緣住翠微

宿永平孤竹山堂有感

孤竹名高素所欽我來瞻拜洗塵心
荒園廢後留遺像古木陰中噪晚禽
浮世自隨流水盡清風長過首陽岑
昔賢已往成追想寂寞聊為清夜吟

永平遇重陽日

淒淒烟霧滿東籬又放黃花一兩枝
抱病長卿常殫酒多愁杜子更吟詩
遼東近報胡塵息薊北無聞羽檄馳
此日忽驚重九至壯懷對景不須悲

永平郊外別宗貞菴孫華峯口占

黃菊故人盃青山遊子路
匹馬向枯楊回首燕雲暮

山海關詠菊

寒英翦翦弄輕黃百卉凋零見此芳
天意

也應憐晚節，秋光端不負。重陽郊原慘淡，
風吹日，籬落蕭條。葉有霜，輸與陶翁能領。
略南山在眼，酒盈觴。

山海關觀海亭翫月

瀛海茫茫際八埏，一輪明月望中懸。九霄
清露垂金鏡，萬頃澄波泛白蓮。蜃市烟消
秋似練，蟾宮雲淨夜如年。何當一遇仙槎
便穩駕，天風斗柄旋。

寧遠偶城

蟋蟀鳴秋堂，客心驚歲晚。涼飈透征衣，秣

馬關河遠，丈夫志四方。一室非所偃，看劍
發高歌，白雲任舒卷。

廣寧城夜坐

孤柝那看夜，衰楊不肯春。白雲在何處，此
日倍思親。

高平道中

西風蕭索使人愁，行盡邊城草木秋。四序
頻更催我老，一官常自爲。

君憂荒臺日落，羗兒笛古，微霜寒晏。子裘戀
闕，思家渾不忘，幾回徙倚望。

京樓

途中見月

客路忽驚秋過半，空亭新月淨娟娟。碧雲
迴帶長河影，爽氣虛涵太乙躔。玉露寒蘇
司馬肺，桂輪光滿子猷羶。徘徊夜久渾忘
寐，欲與羣仙話上玄。

海州夜詠

旅懷岑寂夢難成，無奈譙更耳畔鳴。衾擁
數重猶自冷，數聲畫角伴鷄聲。

鞍山晚宿

西風漠漠釀輕寒，塵滿冠纓不用彈。萬里
旅懷天外遠，幾宵詩思夢中殘。年來世路
知心少，遠出親朋見面難。怪底

天朝持節使，夜深惆悵倚東闌。

遼陽道中

遍山紅樹映秋暉，落葉殘枝滿地堆。險逕
衝泥愁露濕，懸崖盤磴逐雲歸。秋霜已老
沿堤草，野鳥猶知傍客飛。處處風聲震巖
谷，天涯遊子思歔歔。

遼陽署中偶成

初冬客舍倍蕭條。風雪朋遊阻未招。北望
烟沙連瀚海。西山雲樹近寒霄。故人違隔
遲緘素。時序蒼茫憶敝貂。遙望白雲多感
慨。索居聊復動清謔。

遼陽遇雪

一夜西風吹大都。相逢朔雪滿長衢。衝泥
匹馬時時立。入座寒雲片片孤。萬里長途
驚白髮。千山一望斷蒼梧。可憐漢卒無衣
者。猶自持戈夜備胡。

西懷省中諸僚友

黃金臺上袂初分。回首燕山已暮雲。明月
何時重對酒。青山終日倍思君。村深斜日
平蕪靜。旅邸西風落葉紛。我有孤懷何處
寫。燈前愁誦楚騷文。

鎮夷堡

朔雪尊前亂。西風馬上驕。胡笳中夜起。不
似故園簫。

初冬遇雪即事

迢遞邊城時令新。可堪萬里未歸人。風號
翠栢猶堅冱。雪壓枯梅未放春。刀斗但聞

終夜擊情懷常念故園尊燈前僮僕頻相
訊行到朝鮮得幾旬

鎮東堡晚宿

韶光冉冉似流波客路愁懷奈爾何葉落
山隈秋色暮水漫逕口夕陽多鄉書路杳
雙魚斷石嶺雲深匹馬過惆悵不勝清興
在一尊聊以散狂歌

行鳳凰城山中嶺道

搖落休歌行路難捫蘿今日鬢雙殘綿綿
樹繞羊腸轉轟轟人穿鳥道寒萬壑經霜

喧石竇千山侵曉出雲端平生謾說經巖
嶮三嘆臨歧淚欲彈

東八站道中

巖深多險阻馬足正凌兢暝雪依巢鳥斜
陽歸野僧林疎鳴敗葉澗古積堅冰去去
無辭遠荒山又幾層

欽差副使吏科左給事中仁和陳三謨稿
辱示沿路佳什圭復之餘不勝感佩
其在

上國者不敢攀和謹綴蕪詞以謝

盛意

陪得

嚴程濫受知，沿途三十六篇詩。
天駒出水多奇骨，野鶴凌雲絕俗姿。
遼薊烟霞供彩筆，海山風月入吟脾。
燈前試自高聲讀，頰裏清音當楚詞。

憶當丁卯遠趨燕，曾近

先皇雨露邊。燈燭九天朝退日，關山千里夢歸年。
長城入海秋看月，孤竹成墟夕起烟。
六載神遊今老病，白頭空詠寂寥篇。

工曹判書鄭惟吉

渡鴨綠江用監吾先生韻

東指扶桑使節高，先驅海若靜波濤。
分將鴨綠天潢水，映入猩紅宮錦袍。
羽騎迎船彌野渡，金函捧

詔過江皋。應知動地歡聲起，盡是如天聖化陶。

韓世能

次韻

巍巍山斗並名高，人道詞源倒峽濤。
蓮

燭三秋辭

翰苑

御香千里在

宮袍

鳳經荒服瞻

雙節鶴吐微聲徹九臯窮海即今歌

帝力眼者民物入甄陶

鄭惟吉

渡江遇雪

笳鼓喧闐兩岸通雪花飛送一江風槎浮

銀海天疑近袍點瑤霰色倍紅野外凍雲

方暖躡車前佳氣自龍葱

聖朝雨露無偏被早入東邦兆歲豐

韓世能

次韻

百靈環衛

璽書通騰六先知

鳳遡風山歷萬重新被縞雲迷一朶遠遮

紅天邊已助

息露冷海上猶傳氣鬱葱

帝遣來麩方有信更孚憂國願年豐

鄭惟吉

良策館次壁間倪文僖公韻

捧

詔來天上驅車入國門山川多秀色宴慰盡芳

尊箕子風流遠東藩禮數存雪消良策館

息意早敷溫

韓世能

次韻

紫氣隨

仙馭

文星照塞門迎

息齋彩仗享

客列青樽禮樂

華風近詩書俗尚存傾心陪

笑語寒館變春溫

鄭惟吉

蟠松詠

海邦靈植稱蟠松車輦館外邀行蹤低枝
近人若板應停驂為爾聊從容密葉扶踈

翠羽葆老幹詰屈蒼髯龍欲撐日月出霄
漢知經霜雪幾秋冬祇覓文人題不羨大
夫封四山千萬樹環拱如朝宗天生此異
物載道清陰重吁嗟乎仙標神器會不老
何當乘鸞跨鶴時相從

韓世能

次韻

天台山上落落松其下謾說多仙蹤徂
徂萬株供尋尺無人解玩冰雪容豈如
車輦獨也青一團羽蓋千歲龍不向世

間管炎涼好占官道排嚴冬幾見白鶴
栖任教蒼苔封珠璣散不收遇賞皆詞
宗何用明堂木剪伐輸九重吁嗟乎奇
材不妨保天年藹藹野雲來相從

鄭惟吉

車輦館道中

為愛蟠松勝淹留半餉程斜陽催羽騎初
月掛山城路遶千林轉郊燃萬炬明
息光賁東土壯觀自平生

韓世能

次韻

聽鴈懷家信挑燈筭客程
弊裘蘇季子作賦庾蘭城
天晚殘霞爛松高夕日明
明朝林畔路雲傍馬頭生

鄭惟吉

過金孝女碑有感

人生百行孝乃先吁嗟乎
截指療母孝女賢遠邦崇
表芳譽傳男兒口誦聖賢書
染指功名忍絕裾胡迺真心
不女如嗟嗟乎子孝臣忠吾
秉彛致身竭力皆當為誰為

血肉謀其私我今題詩孝女碑
且為烈士貞臣規

韓世能

次韻

孝女卓行莫或先有耳孰不知其賢
風聲萬古長流傳鑿破蒼崖仍特書
令人到此淚沾裾乘馬欲去還班如君
不見滅絕天常數民彝毋歿不臨猶忍為
敢言公耳忘其私曹娥千載有遺碑
斷指投江同一規

鄭惟吉

新安道中

曉來飛雪滿川原，候吏津夫盡在門。祇為
王程促征騎，喜看晴日照前村。
雪霽新安發使輶，經行小憩納清亭。館人
試指前山看，又見重霾入杳冥。

韓世能

次韻

羸驂踏雪度山原，玉樹人家盡掩門。恰
似江南烟雨後，梅花斜映水邊村。

流雲冉冉逐行駟，衰柳蕭蕭翳短亭。翰
得曉星^嶺昏未息亂披烟，霽下青冥。

鄭惟吉

控江亭

孤亭高控大江橫，霽景初開積雪平。雲影
山光同一照，津人又報海潮生。
江天渺渺孤亭控，凍雪皚皚萬壑連。海國
此時飛鳥絕，嶺雲平處使旌懸。

韓世能

次韻

長橋迢遞跨江橫，四野銀光一望平。遙想寒多蔀屋裏，小村寥落白烟生。

瓊花飛盡青山變，潮信回時碧海連。不是憑高倦行役，

五雲深處望長懸。

鄭惟吉

百祥樓

凌空飛閣俯江城，宿靄初開霽景明。縹緲

祥雲瞻

北極漪漣清漲下，東瀛窓舍雪色千山遠。簾捲

天光四望平，應賞不嫌風力峭。日華迎節又東行。

韓世能

次韻

憑空樓觀壓層城，城下泓澄陸水明。千里烟霞通几席，九天風日近蓬瀛。臨江麗堞殘猶在，吊古隋魂鬱未平。安得冰消無月出，蘭舟同作鏡中行。

鄭惟吉

謁箕子墓

皇華集
誰悟當年象箸非孤臣忠諫自幾微丘糟
林肉終昏酒無奈佯狂心事違
真衰殷慶又興周一點天心在九疇不是
先生身不死何人指與下車求
傷心牧野釋囚奴麥秀漸漸運已徂只向
海邦流聖澤不肯作騎白馬過西都
東邦禮義復安居世守先生道化餘堪嘆
井田猶有在紛紛阡陌幾成墟

韓世能

次韻

自靖宵中定是非不為王子不為微狡
童智辯真無用何事謀臧即具違
一杯丘土不臣周喬木縱橫認舊疇每
到彷徨不忍去傍人謂我有何求
身是忠臣迹是奴國亡何地駕言徂東
來舊抱憑誰門一片歸心在亳都
八條遺教莫氏居心法元從授聖餘野
老豈知尊舊井鋤犁徃徃入荒墟

鄭惟吉

快哉亭

景豁意自快，時平心亦清。山高郡齊寂，亭上理琴聲。

韓世能

次韻

道快何曾快，塵寰本不清。憑風始知味，禦寇是同聲。

鄭惟吉

浮碧樓

雪霽澄空玉宇浮，江山如畫一登樓。凍雲栖壁低瓊樹，別島拖烟界碧流。錦繡峯前

舒遠目，麒麟石上憶仙遊。剛風獵獵吹衣袂，相對清尊傍晚留。

韓世能

次韻

川華斂處日華浮，雪後聊登百尺樓。錦繡已凋銀作界，瓊瑤初凍玉為流。幸逢天漢槎橫日，不比山陰興盡遊。樽俎餘歡猶未艾，歸時儻許重淹留。

鄭惟吉

練光亭

山城亭榭俯江津，浮碧南來更絕塵。不盡
波光淨如練，無邊雪色白於銀。亂峯殘照
尊中入，青雀黃龍水面巡。佳景滿前題不
得，祇憑寥廓會吾神。

韓世能

次韻

誰將淨練比官津，謝眺詩情本出塵。席
上狎鷗疑蘸鏡，盤中薦鯽亂堆銀。烟波
極目身千里，文雅逢場酒數巡。安得清

潭邀皓月。

使華留與較風神

鄭惟吉

渡大同江

涓水蘭舟渡，川塗凍雪賒。江山疑合璧，星
漢試浮槎。倚棹還看壁，持杯共聽笳。

王程值佳景，忘却在天涯。

韓世能

次韻

聖澤元無外，官途不厭賒。蹄涔身泛梗，銀漢
客乘槎。發興無長筴，催程有暮笳。

仙舟忝同席一醉足生涯

鄭惟吉

太虛樓用海嶽先生韻

高閣凌空一望虛天涯停轡暫躊躇
千山雪積鳥飛絕四野烟沉人迹踈
王粲懷鄉誰擬賦蘇卿持節敢安居
清歡小憩成趺坐燈影寥寥靜照予

韓世能

次韻

躡得前蹤上太虛彩雲深處更躊躇
烟

霞擁郭蒼巖秀蘿落連村葺屋踈
除却羽翰攀日馭若添風月合仙居
我泮一曲相知晚白雪新詞為倡予

鄭惟吉

嘗王溜泉鄭判書李觀察因問泉品

裹茗來嘗石上泉中泠惠麓味相然
金爐點沸雲根冷玉盃傾翻露掌鮮
香沁詩腸開錦繡清撩遊興薄雲天
使君神鑒能題品留作東邦佳話傳

韓世能

次韻

試茶無地酌甘泉。雪竇嘗來更澹然。共
聞道靈源入楊子。豈知真味在朝鮮。初看
粟粒浮蒼靄。漸聽松聲鬧碧天。兩腋清
風聊可驗。王川詩句政堪傳。

鄭惟吉

葱秀山前有嵒泉。停車溪畔見呀然。挹
來盃面清初漱。煮得甌心色更鮮。共吸
真源通灑氣。欲騎飛鶴上鈞天。
詩仙題呂留佳什。一日人間萬口傳。

黃海道觀察使李拭

試玉溜泉用海嶽先生韻。衍作短歌。

玉溜泉何始。始出從葱秀山。竒峯高插天。
分來一脈天漿水。沁入雲根乳竇懸。汲來
試以鶴澗茶。鼎鑪雪浪香新鮮。元來二物
皆絕品。其相遇也。乍如孤桐辭。爨微朱絃。
酒病豁如洗。詩腸涌如川。清風兩腋助遊
興。似為知己傾微涓。吁嗟乎。茶來八千里。
泉滴幾千年。造物合并妙。始洩此時山靈
神。鬼揄層巔。天風為我開雲烟。東來之泉

品君為第一留與南零康谷名同傳

韓世能

次韻

蕊秀山翠娟娟造物真豪縱闢此壺中
天天生巖竅上連空萬點瓔珞知誰懸
松根穿破最甘冽菊井比來差芳鮮
太史元來天上仙相對默默指下衣喻我
洋絃大筆走龍蛇倒流三峽川老我不
及嶺頭龍欲效一語徒涓涓內熱已兩
月肺病今三年甌中春雪許我啜欲與

安期羨門飛栖方丈巔青鶴為我橫蒼
烟烟消月出有奇調水樂擬向人間傳

鄭惟吉

山舍玉秀而娟有實在其趾不見陰晴
天一脉靈泉萬萬古不從地出從竇懸
上界

真人來試茶云是鶴澗摘芳鮮鐺翻蠅眼
初起沸耳邊忽聞松聲如奏泠泠絃清
如盤承露快若壑奔川疏滯瀾煩已自
了使我塵骨沾餘涓君不聞人飲菊潭

皇華集上 二十一
水可以駐流年爭似泉甘茶亦新一軟
便欲御風凌翠巔直上九萬無塵烟
太史一曲歌使人三歎從此玉溜泉名天
下傳

李拭

吾助川迴瀾石

吾助之川遶萬山川流迴處一峯環崖我
翠壁丹青麗遷迤雲屏錦繡斑倒影浸空
清蕩漾衝波溜雪響潺湲馳驅不倦登臨
興暫假

王程頃刻間

韓世能

次韻

突兀天磨走喬山

天磨乃廻瀾石祖山

龍頭盡處

水彎環春花秋葉都成錦白雪蒼苔巧
作斑不厭移樽乘酌何妨引手弄潺湲
他年縹緲雲霄上倘記茲遊一夢間

鄭惟吉

暢月朔日宣

詔禮成志喜

繼離出震觀

神皇早奉

天書下建章浩蕩

仁息敷率土周旋禮樂見東方仗開錦簇雲霞

麗

詔發金函日月光虎拜山呼齊上壽

聖齡

宗社萬年長

韓世能

次韻

葵藿誠深奉

聖皇眼者新

眷下

奎章乾坤有意扶

洪業日月無私照萬方

人似鳴陽爭覩彩文如扶漢爛生光吾

王終始勤侯度永配

朝家寶曆長

鄭惟吉

謳歌顯望拱

新皇

誥諭覃恩煥舊章禮始候迎須備體音隨

宣布自成方爐烟裊上龍涎氣宮扇晴開

雉尾光摠為

聖明方繼照天時人事共靈長

吏曹判書盧守慎

宣

詔禮成

國王留款勤政殿送出門外時晴空忽飛

雪數點

鳳詔宣恩到海東

賢王文物盛華風

彤庭拜

命忠誠見法殿迎賓禮數崇正喜

太陽輝普照何緣飛雪灑晴空應知

聖澤來天上散與璫霽報道豐

韓世能

次韻

尺一新頒慶屬東忽看飛雪舞回風啣

綸上國來殷侑曳履藩邦有鄭崇已覺

皇眷會向
恩波淪入髓方知喜氣暖騰空
尋思無術酬

明廷頌屢豐

鄭惟吉

賓筵秩秩解尊東物象森森盡下風
別館寒重歸

命恩玉節嚴庭日短撤牙崇

芝綸煒燿初箴府柳絮飄揚欲滿空
從此葱葱佳氣轉小臣無復願年豐

盧守慎

國王邀坐慶會樓因索詩翰呈此

是日

中天樓閣碧岩堯飛拱層簷切絳霄
日月

東浮仙島勝江山西望

帝居遙池環玉液冰初合林簇瓊枝雪更飄
海

字一家談讌樂

賢王忠戀向

清朝

韓世能

次韻

城頭華岳鬱岩堯樓下清池蘸碧霄
勝

皇華集
卷之
二十一
絕却疑三島近登臨未覺九天遙
雪霑樽酒寒猶嫩風動爐香遠更飄
珍重皇華留語後定知佳跡播
中朝

鄭惟吉

四圍山勢積岩堯百頃池光接漢霄
飛出瓊樓白日近俯臨蓬島赤霞遙
緜峯仙馭笙初下閩苑香風桂已飄
萬里王程有嚴束不將嘉客永今朝

奉使至朝鮮三日謁

盧守慎

宣聖廟退於明倫堂與諸生相見留此用鴻

山先生韻

搃是

宣尼教澤餘衣冠相遇暫躑躅靈臺皎日無
今古塵世浮雲任卷舒盡性直參天地化
安身須識聖賢居叮嚀更有傳心訣終日
乾乾莫放虛

韓世能

次韻

聲教初從

上國餘為臨，芹泮更躊躇。文明啓運，
皇風暢詩禮。承家道，脉舒千聖相傳元。有法九
夷何處不堪居。奉天譽地，吾無說日月
終須揭太虛。

鄭惟吉

翼翼

神宮百畝餘

儒仙瞻拜為躊躇。德同天地，文風遍道揭。

乾坤化日舒，精享萬邦嚴。

廟貌宗師諸子藹，齋居從知

聖教無前後

今代東漸定不虛

刑曹判書元混

數仞墻西霽雪餘

雲幢玉節此躊躇，禮伸

文廟簪裾集道揭，中天日月舒。風引寶香傳

壁水寒生蒼檜爽，齋居藩邦政賴東漸

化士誦詩書笑子虛

禮曹判書朴永俊

恩札來頒萬里餘旋趨

文廟久躊躇簪袍式禮儀刑縵韋布親董志

氣舒

中夏千年尊

聖學東韓一執奉

神居橋門環擁爭瞻仰紹闡淵源認未虛

議政府右叅贊朴忠元

沫泗平生得緒餘祇隨樽俎重躑躅明

簷彩旭疎將散棲檜青雲淡欲舒道極

皇王增素位教深民俗莫攸居升堂斬作振

衣慕如在微心久自虛

漢城府判尹姜暹

玉節新頒

鳳曆餘

首臨芹泮為躊躇

壯懷遊遠同司馬

勵志窮經似仲舒教設海東知有自轍環

天下擬爰居

雍容函丈留明訓媚學工程免落虛

兵曹判書金貴榮

謁罷

先師禮有餘推誠下士眷踟躕不緣

聖化能覃被那使文風得遠舒八教菁莪君子

樂兩齋絃誦丈夫居相傳心法知何在

說與諸生是靜虛

盧守慎

暫駐

雙旌禮

朝餘顧瞻庭宇更躊躇教行萬古功誰並身

否當年道則舒為學也應無別路此心

須是謹閒居而今幸忝斯文

會牖我丁寧

語不虛

弘文館副提學柳希春

吾道東來千載餘

皇華前後幾躊躇

中原久見文風振外國咸承

聖化舒箕子曾勤八條教

寧危還欲九夷居如今

王節終難駐
雙鳳聯翩上

紫虛

成均館大司成洪天民

環聳橋門萬有餘

龍旌欣覩久躊躇

周旋禮數威儀中

誘掖溫言色笑舒極地漸摩

昭代化窮天祠廟

素王居斯文一脉無遐邇敦實儒風不尚虛

承政院都承旨睦簪

登漢江樓

回程到東坡館錄示

驅車來到漢江游東國川原第一樓錦嶂
千層雲外落滄波萬頃望中收風光雪色
皆成趣海錯山肴雜薦羞勝賞淹留歸路
晚不知寒霧濕衣裘

次韻

歲暮嚴程未暇游天涯回日一登樓銀
峯隔水晴暉逼琪樹迷空暝色收夢繞

紫微愁望切，詠留黃鶴和人羞。踈簾不掩江風入，欲下欄干更攬裘。

議政府領議政權轍

華構崢嶸控上游，神仙自是好居樓。穿林

雙蓋雲相逐，閣岸層冰玉不收。殘照掛簷，難盡興，潛腥登網，合供羞。江風作惡成追恨，未泛空明。

紫綺裘

議政府左議政洪暹

仙槎泛海協天遊

玉節隨緣上畫樓，漢曲山川方外羨吳中。形勝坐來以雲迎

彩鳳如相媚，人對沙鷗却自羞。早晚林皋

吾欲老一江烟月是菟裘

小墅在江上故云

鄭惟吉

面奉

綸音做遠遊，驂鸞飛上漢江樓。冰鑿鑿白舩初

閣山擁螺青雪已收，四海文章方

瑞世一樽陪，從正色羞東漸。陡覺

恩波暖隔幔鬢風不襲裘

儒仙憶昨海東遊準擬趨塵上此棲徙

倚湖山夫若借登臨物色

客全收虛蒙

寄問丁寧語實釋當時取次羞北望

半儀是何處

含香昵侍

翠雲裘

忠元昔在丁卯叨忝遠接迎

海岳老先生于江上今又迎慰

兩大人于開京

上大人招進于前

傳海岳老先生寄問之語是

不忘昔年陪侍之意實海外鯨生一大

榮幸故屬和

高韻忘其僭濫又次一律以寓區區之

意

朴忠元

銀潢一派泛槎遊忝侍元龍百尺樓天

際亂峯晴雪合海門殘照綠霞收追隨

博望真多幸，擬和陽春却自羞。萍水佳期
知不再，任他風露襲重裘。

金貴榮

江漢滔滔作上遊，丹青隱隱起高樓。地
平遠響來常壯，天闊層陰結不收。興任
往還真自得，禮容酬酢肯相羞。

銀鈎玉韻還投暗，不覺驚人汗透裘。

盧守慎

止界

仙駟幸遠遊，偏方勝賞仗名樓。須將罨畫

顏增耀，何遣饜風望却收。無乃東坡重
稱比，便教西子故低羞。遮寒尚有流霞
酌，不用千金換酒裘。

是日大風，遂賞
未愜及之

戶曹叅判尹鉉

清漢迢迢控上遊，層崖壓水敞高樓。波
聲繞座冰灘急，雪嶽當簷凍靄收。金盞
凸紅浮法醞，銀鱗堆白備芳羞。只嗟短
日催歸騎，淮上難陪

紫綺裘

司憲府大司憲李陽元

使事初竣且出遊陋邦何幸有茲樓階平
碧浪漫無際天闊遙山散不收風陣放
顛誰作戲宴筵狼藉只堪羞忽忽未盡
登臨興歸路翻愁雪滿裘是日南風大作屋瓦墮落
帷幔擺裂席次頗多失措日暮還罷未愜清賞恨見于詞
吏曹參判李後白
南紀滄江最上游森羅萬景貢高樓雪
山驚眼雲初散玉尺翻盤網始收
使節榮臨詩入妙菲才叨侍禮堪羞冬天
勝會難忘處神借炎風暖

客棧

睦齋

宿太平館次錦江陳諫議韻回程到義順館錄示
殊方聊借一枝栖坐見樓頭月影西無限
歸思眠未穩曉風吹雪夜烏啼

韓世能

次韻

天涯行色苦栖栖目斷燕雲西復西
剪燭未成鄉國夢月明驚鵲更休啼

鄭惟吉

鄒人獲忝陪侍日覲

清眇得御之喜所難喻也歸牽催脂不勝

黯然敢掇近體二首錄呈

敬堂大人介正

不知為敬有何形恐只收將一箇靈漸

自光明能內直未容提掇要神惺誰人

北學堪傳受吾道東來是典刑想得乳

顏真樂地天機袞袞不曾停

萬戶何如一識

君德容隨處自清温斗山

雅望傾當世描畫

高姿在後昆肯把中興歸擇木休將聯句

闔軒轅明朝汗漫還千里黃鵠由來一

再騫

鄙人數日攀遊不勝登門之幸茲當

回御別思遽劇謹奉近體二首錄呈

錦江大人惶恐

錦水前頭一

德星遙從

北斗下東溟卧樓却自除豪氣懸榻將誰許地

靈感遇時吟青鳥信破眠還抱白雲經
風流文采真驚座與借遊邦播賸馨

天涯霜雪滿蓬萊瞻望

巖巖不可護

名在日邊星象表

神遊遼左海雲根對樽不用謀投轄覓句

何曾待閉門乘興翩然便陳迹邯鄲一

枕幾驚魂

盧守慎

至日大平館作

泰運初開萬國平殊方共喜一陽生望雲重

切思親想拜

闕還同應

主情好德

賢王頻燕樂知書多士足酬勞關門靜閉
千山雪信宿相留滯我行

韓世能

次韻

泰階半萬物都隨一氣生

秦人向北歸，饒容夢日從南至。念

宸情，愁多宮縷長添線。才薄新篇老未賡，安得

梅花小窓畔，一床周易驗天行。

韓鄭惟吉

高館

仙居慶太平，窮泉陽德屬初生。往來夷險

古今意，俯仰盈消天地情。

逸韻駸駸容競賞，荒詞昧昧僭相賡。飲中

別後渾無賴，唯解逢人說此行。

關山迢遞暮雲平，此別應知滿此生。城

上飛鴉歸欲盡，席邊流水去無情。貧人

玉筋那堪買，擲此黃金不敢賡。浮世從

來多聚散，傷心唯有月同行。

盧守慎

慕華館

國王錢別登途

使車旋處錦圖開，東國山川雅麗哉。天為

客途摘霽景，人從華館望征埃。慇懃祖席

情難別，迢遞

王程首重回寄謝

賢王勤令德萬年

天眷慶方來

韓世能

奉瞻

行軒情見于辭呈

兩大人先生

聖詔優箕壤

華旌少漢城今朝九莫吐昨夜一陽生

客夢歸

驚掖鄉心數驛程好儒容薄禮問俗報昇平

得侍同朝喜承歡此老榮雲泥相望迥
無路更將迎

盧守慎

重過葱秀山

雪裏看山尚鬱葱星軺來往此重逢峻嶒
翠巘丹青逼滴瀝珠泉玉竇通石罅參差
函子洞巖巒披拂大王風清遊到處疑天
上飛夢何時度海東

韓世能

次韻

擢似芙蓉秀似葱山靈新喜有遭逢未
應天竺飛來住祇恐仇池在處通董老
遺碑摩碧蘚許仙高躅躡清風他時
禁掖青綾直

魂夢頻尋析木東

鄭惟吉

齊山亭

星輶臨發雪初晴亭聳齊山望眼明滿地
瓊峯迎曙出極天瑤島接雲平寒光盡散
陽春曲佳氣渾疑白玉京峻坂陡懸依鳥

道僕夫塗曳促

王程

韓世能

次韻

征途日日卜陰晴喜過重江霽雪明琪
帝京歌樹數行簷外媚玉峯千點望中平

身持使節來東極

夢作先驅到

北京躋得曉星彌遠眺亂山深處是歸程

皇華集上 四十一 鄭惟吉

重過迎薰樓次陳諫議韻

行役已三月旅懷誰為開南樓同遠眺皓

魄此重来列翠山為幄鋪瓊雪作臺

帝京應在望歸駟尚紆迴

韓世能

次韻

客路方西笑愁襟更北開地留前日勝

月似故人來綉闥披滕閣雄風快楚臺

綵禽迎

綵節飛去又飛迴

鄭惟吉

皇華集上

